

宋蜀刻本唐人集叢刊



新編
宋蜀刻本唐人集叢刊
卷之五

宋蜀刻本唐人集叢刊

新刊增廣百
家詳補註
唐柳先生文

顧廷龍題



五



〔唐〕柳宗元 撰

新刊增廣百家詳補註
唐柳先生集

顧廷龍題





新刊增廣百註音辨唐柳先生文卷第二十二

序

送楊凝郎中使還汴宋詩後序

集注楊凝字茂功虢州弘農人大曆十三年進士初以吏部郎中為宣武軍判官貞元十二年自汴朝正于京師昌黎嘗作天星行以送其來今自京還汴公作此序以送其往云



談者謂大梁孫曰宣武軍古大梁之地多悍將勁卒悍音旱亟

就滑亂音滑亟去吏切而未嘗底寧控制之術

難乎中道蓋以將驕卒暴則近憂且至非所以

和衆而又民也將誅卒削則外虞實生非所以

柳先生

卷二十二

扞城而固圉也

童曰詩公侯干城干扞也左氏亦聊以固吾圉也圉邊垂也

是宜慰薦

照火羽吁句二切

納為腹心然後威懷

之道備聖上於是撫以表臣贊以藝

孫曰書大都小

伯藝人表臣表臣表幹之臣藝人道藝之人身元十一年七月以董晉為宣武軍節度是撫以

表臣也八月以楊凝檢校吏部郎中汴宋毫穎觀察判官是贊以藝人也衆剛柔而

兩用化逆順而同道既去大慙

張曰書元惡大慙慙亦惡也

遂安有衆故揚公以謀議之隙

隙與對揚王庭

韓曰貞元十四年冬凝朝正京師

不踰時而承詔復命

韓曰貞元十五

年春凝還汴

示信于外諸侯

示一作

時當朝之羽儀凡

同官之寮屬皆餞焉容受童孺

孫曰公時年二十七

使在

末位禮部郎中許公

韓曰許孟容字公範

以宏才與學已

任文字顧唱在席咸斷章而賦焉謂工部郎中

崔公

韓曰崔羣字敦詩

文為時雄允宜首序謂小子預

離觴之餘瀝俾撰後序編以繼之大凡軍旅之

制贊佐之重崔公序之備矣膺命受簡欲默不

敢故書談者之辭拜手以獻用充餘篇去

送崔羣序

童曰羣字敦

詩唐史有傳

貞松產於巖嶺

張曰貞正也

高直聳秀條暢碩茂粹

然立於千仞之表

孫曰八尺曰仞

和氣之發也稟和氣

之至者必合以正性於是有身心勁質用固其

本禦攘冰霜以貫歲寒張曰孔子曰歲寒然後知松栢之後凋也故

君子儀之孫曰儀法也清河崔敦詩韓曰敦詩系出清河有柔

儒溫文之道以和其氣近仁復禮張曰子曰克己復禮為仁

物議歸厚其有稟者歟有雅厚直方之誠以正

其性慤論忠告交道甚直其有合者歟是故日

章之聲孫曰禮記君子之道暗然而日章振於京師嘗與隴西

李杓直韓曰李建字杓直杓卑由切南陽韓安平韓曰韓泰字安平

洎予交友杓直敦柔深明冲曠坦夷慕崔君之

和安平厲莊端毅高節振邁說崔君之正余以

剛柔不常造次爽宜童曰爽差也求正於韓襲和於

李就崔君而考其中焉忘言相視默與道合今

將寧觀東周童曰東周謂洛陽振策于邁童曰詩無小無大從公于

邁且餞于野或命為之序余於崔君有通家之

舊外黨之睦然吾不以是合之崔君以文學登

于儀曹韓曰貞元八年羣試禮部中其科敷于王庭敷音甲俊

造之選首雝校之列韓曰貞元十年羣舉賢良方正授秘書郎然吾

不以是視之於其序也載之其末云

送邠寧獨孤書記赴辟命序

僕間歲孫曰間如字近也驟遊邠壇韓曰邠壇邠州之界驟鉅救切邠

卷七

三

八

音彬壇

今戎帥楊大夫時為候奄

韓曰楊朝晟字叔明為邠

寧節度使韓游瓌都虞候

孫曰盡護群校

校者

以木為欄格軍部用之

故軍尉皆以校為名用笞法箠令不吐強禦

童曰詩柔亦不茹剛亦不吐不侮鰥寡不畏強禦

下莫有迫撓凌暴而

犯令者沉斷壯勇專志武力出麾

補注麾大將之旗漢

書多取主公之節鉞而代之位

韓曰游瓌御士寬軍驕張獻甫

來代軍遂亂衆脅監軍請以范希朝為節度朝

晟斬首惡者一百餘人獻甫遂入朝晟加御史

孫曰

大夫貞元九年獻甫卒鵬冠者仰而榮之鵬冠

武士之冠也鵬勇雉也其鬬一對死乃止胡趙

武靈王以表武士秦施之焉徐廣云鵬似黑雉

出上黨今又能旁貴文雅以符召文士之秀者

鵬音曷

河南獨孤盜

孫曰貞元十一年登第

署為記室俾職文翰

翕然致得士之稱於談者之口蓋朝廷以勇爵

論將帥

國曰襄二十一年左氏齊莊公為勇爵植綽郭最欲與焉

豈濫也哉

獨孤生與仲兄寔連舉進士

孫曰貞元十七年寔舉進士並時

管記於漢中新平二連帥府

孫曰寔為山南西道節度嚴震掌書

記新平郡即邠州

俱以筆硯承荷舊德位未達而榮如

貴仕其難乎哉噫自大戎陷河右逼西鄙

孫曰廣德

元年七月吐蕃入大震關取河西隴右之地

積兵備虞縣道告勞內

匱中府太倉之蓄僅而獲厭投石而費勇者思

所以奮力論者以為天子且復河壩故疆

孫曰河壩

浙也壩而宣切

拓達西戎

拓音託

而罷諸侯之兵則曳裾

戎幕之下專弄文墨為壯夫捧腹甚未可也吾

子歷覽古今之變而通其得失是將植密畫於

借筯之宴發群謀於章奏之筆上為明天子論

列孰計而導揚威命然後談笑罇俎賦從軍之

樂

孫曰魏建安十年曹公西征張魯降之王粲作詩美其事略云從軍有苦樂但問所從

誰移書飛文諭告西土劫脅之伍俾其簞食壺

漿犒迎王師在吾子而已往慎辭令使諭蜀之

書

韓曰漢武帝時唐蒙通夜郎棘中民大驚恐上使司馬相如責蒙因以文告諭巴蜀民以

非上

燕然之文

韓曰漢和帝時竇憲破北匈奴登燕然山刻石勒功紀漢威德

令班固作銘炳列于漢史真可慕也不然是瑣瑣者

惡足置齒牙間而榮吾子哉

同吳武陵送前桂州杜留後詩序

韓曰公謫永州時吳武陵亦坐事流永此序云同吳武陵當作于永州也

觀室者觀其隅廉隅隅之巍然直方以固則

其中心端莊宏達可居者也人孰異夫是今若

杜君之隅可觀李曰杜君名周士貞元十七年中進士第而中可居

居之者德也贊南方之理理是以大摠留府之

政韓曰為桂管觀察留後政是以光其道不撓好古書百

家言洋洋滿車行則與俱止則相對積為義府

張曰左氏詩書義之府

溢為高文慤而和肆而信豈詩所

謂抑抑威儀惟德之隅者耶

張曰詩大雅抑之文

今往也

有以其道聞于天子天子唯士之求為急杜君欲辭爭自侍從之位其可得乎濮陽吳武陵直而甚文樂杜君之道作詩以言余猶吳也故於是乎序焉

送寧國范明府詩序

近制凡得仕於王者歲登名于吏部兵部則必叅其等列分而合之率三十人以為曹謂之甲名書為三其一藏之有司其二藏之中書洎門

下每大選置大考績必關決會驗而視其成

成謂成事品式

有不合者下有司罷去甚衆由是吏得

爲姦以立威賊知以弄權詭竊竄易

詭古委切竄取亂切

而莫示其實必求端慤而習於事辯達而勤其

務者命之官而掌之居三年則又益其官而後

去其職

童曰益遷也

有范氏傳真者始來京師近臣

多言其美宰相聞之用以爲是職在門下甚獲

休問初命京兆武功尉既有成績復於有司爲

宣州寧國令咸曰由邦畿而調者命東西部尉

以爲美仕范生曰不然夫仕之爲美利乎人之

一 卷十一

下

承

謂也與其給於供備孰若安於化導故求發吾
所學者施於物而已矣夫為吏者人役也役於
人而食其力可無報耶今吾將致其慈愛禮節
而去其欺偽凌暴以惠斯人而後有其祿庶可
平吾心而不愧於色苟獲是焉足矣季弟為殿
中侍御史韓曰舊史范傳正傳言自渭南尉拜
監察殿中侍御史孫曰時又有范傳
式傳規以是言也告於其僚韓曰公時為監察
御史與傳正為僚
咸悅而尚之故為詩以重其去而使余為序

送幸南容歸使聯句詩序

補注南容
洪州人也

昔漢室方盛文章之徒合于京師亦既充金馬

一有石渠

韓曰公孫洪傳待詔金馬門揚雄傳歷金門上玉堂顏師古云金門金馬

門也施麟傳與五經諸儒雜論同異於石渠閣顏師古云石渠在未央殿北以此藏秘書也

史記金馬門官者署門旁有銅馬故曰金馬門漢時賢良待詔於此三輔故事曰石渠閣在

大秘殿以閣秘書蕭何所造班固則又溢于諸作西都賦云內設金馬石渠之署

侯求達其道故枚乘客于吳

韓曰枚乘字叔淮陰人為吳王濞郎

中相如遊于梁

韓曰司馬相如字長卿景帝時以賞為郎梁孝王來朝從游說

之士鄒陽枚乘嚴忌之徒相如見而說之因病免客游梁其或致書臣主用

極其志節之大者也

孫曰謂滯謀逆乘奏書諫適時觀變以

成其性道之茂者也

孫曰謂相如也渤海幸君既登于

太常之籍

南容中進士第

貞元元年

又膺邯鄲之召

邯鄲

趙地屬魏

北會元戎直道自達吾儕器其略南

聘天朝相禮述職

孟子曰述職

天子曰述職

公卿多其

儀合度於易子之間

禮記檀弓

諸侯之來

易于雜者未之有也注云

雖枚生之節長卿之

道無以尚也冬十有二月朝右禮備復于轅門

孫曰

項刊紀諸侯將入轅門張晏注云

我同外

之友

南容與公

是用榮其趣舍惜其離曠

卜茲良辰詠歎其美以詞聯韻奇藻遞發爛若

編貝粲如貫珠

禮記纍纍乎如貫珠

琅琅清響

琅音交